



**JP CESTE  
FEDERACIJE BIH**

Društvo i Hercegovina  
Federacija Bosne i Hercegovine  
**PARLAMENT FEDERACIJI  
SARAJEVO**

Broj: 01-02.1-3405-1/23-AČo  
Datum: 15.05.2023 godine  
Za: **VLADA Federacije Bosne i Hercegovine**  
n/r Sekretar Vlade mr.sc. Edita Kaludžić  
Adresa: Hamdije Čemerlića 2, 71 000 SARAJEVO

Primljeno: 03-07-2023			
Org. jed.	Broj	Priloga	Vrijednost
0511	-02-	130	123

**Predmet:** Odgovor na dopis broj 03-02-228/2023 od 03.05.2023.g. koji se odnosi na upit g. Sanela Kajana, a vezano za projekat rekonstrukcije raskrsnice „Sjeverni Ulaz u Mostar“

Poštovani,

U periodu 2017. – 2019. godine u organizaciji Grada Mostara od strane firme „IG“ Banja Luka izrađen je glavni projekat rekonstrukcije raskrsnice „Sjeverni Ulaz u Mostar“. Predmetna projektna dokumentacija je krajem 2019. godine dostavljena JP Ceste FBiH na implementaciju. Na osnovu ove dokumentacije JP Ceste FBiH su početkom 2021. godine od strane Grada Mostara pribavile urbanističku saglasnost, te su zajedno sa nadležnim službama Grada krenule u postupak eksproprijacije. Tokom postupka eksproprijacije naišlo se na imovinsko pravne probleme na katastarskim parcelama u vlasništvu INA benzinske pumpe, te u vlasništvu hotela AMICUS zbog čega se nije moglo nastaviti sa realizacijom projekta za predmetno tehničko rješenje. Zbog naprijed navedenog JP Ceste FBiH su donijele odluku da se izvrše određene korekcije predmetne projektne dokumentacije, kako bi se prevazišli ovi imovinsko pravni problemi.

Uzimajući u obzir naprijed navedeno JP Ceste FBiH su sredinom 2022. godine od strane projektantske kuće Design&QC doo Sarajevo naručile izradu idejnog rješenja u kojem je analizirano pet različitih varijanti rješenja rekonstrukcije raskrsnice. Od strane Projektanta je urađena evaluacija nivoa usluge za svih pet varijanti. Ocjenjeno je da je najbolje provodivo tehničko rješenje, koje daje najveći nivo usluge, varijanta V3 koja predstavlja rješenje raskrsnice u dva nivoa, sa tunelom za saobraćaj koji ide iz urbanog dijela Mostara prema Sarajevu, te kružni tok u nivou postojeće raskrsnice sa posebnom trakom za lijevo skretanje za novi poslovni objekat pored željezničke pruge.

Gradu Mostaru je dostavljen Zahtjev za izdavanje urbanističke saglasnosti 20.03.2023. godine za korigovani Idejni projekat. Paralelno sa postupkom izdavanja urbanističke saglasnosti u toku je postupak eksproprijacije za parcele koje se neće mijenjati u odnosu na tehničko rješenje urađeno od strane firme IG Banja Luka. Također, u toku je izrada glavnog projekta rekonstrukcije raskrsnice za novo/korigovano tehničko rješenje kojim su se prevazišli imovinsko pravni problemi.

U prilogu ovog dopisa dostavljamo Vam projektovanu situaciju usvojenog tehničkog rješenja rekonstrukcije raskrsnice „Sjeverni ulaz u Mostar“.

Srdačno Vas pozdravljamo.

  
Ljubo Pravić, dipl.ing.grad

Dostaviti:

- Naslovu
- Federalno ministarstvo prometa i komunikacija (Braće Fejića bb, 88 000 Mostar)
- Parlament FBiH (Hamdije Kreševljakovića 3, 71000 Sarajevo)
- 02.1
- Arhiva

BOSNA I HERCEGOVINA  
FEDERACIJA BOSNE I HERCEGOVINE  
FEDERALNO MINISTARSTVO PROSTORNOG UREĐENJA

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ФЕДЕРАЛНО МИНИСТАРСТВО ПРОСТОРНОГ УРЕЂЕЊА

BOSNIA AND HERZEGOVINA  
FEDERATION OF BOSNIA AND HERZEGOVINA  
MINISTRY OF SPATIAL PLANNING OF THE FEDERATION OF BOSNIA AND HERZEGOVINA

Broj: UPI/03-23-2-489/21  
Sarajevo, 25.04.2022.godine

JP CESTE FEDERACIJE BIH	
Broj: 01-02.1-7967-3/21	
Datum: 11.05.2022	

Federalno ministarstvo prostornog uređenja, rješavajući po zahtjevu investitora JP Ceste Federacije BiH d.o.o., za izdavanje urbanističke saglasnosti za izgradnju denivelisane raskrsnice u naselju Zalik, na osnovu člana 142. stav 1. Zakona o upravnom postupku ("Službene novine Federacije BiH", br. 2/98 i 48/99), d o n o s i

## ZAKLJUČAK

1. Prekida se postupak kod ovog Federalnog ministarstva pokrenut na zahtjev investitora JP Ceste Federacije BiH d.o.o., za izdavanje urbanističke saglasnosti za izgradnju denivelisane raskrsnice u naselju Zalik, na magistralnoj cesti M 17, dionica Potoci – Mostar, na području Grada Mostara.

2. Federalno ministarstvo prostornog uređenja koje vodi postupak naišlo je na pitanje bez čijeg se rješenja ne može riješiti sama stvar, a to pitanje čini samostalnu pravnu cjelinu za čije je rješenje su nadležni drugi organi uprave i tijela iz oblasti planiranja i građenja.

3. Prekid postupka traje dok predmetni projekat ne bude planiran prostorno planskim dokumentom, a za šta su nadležni drugi organi uprave i tijela, te za šta investitor treba pokrene inicijativu za donošenje istog.

4. Investitor JP Ceste Federacije BiH d.o.o., dužan je u roku 30 dana od dana pravosnažnosti ovog zaključka podnijeti ovom organu dokaz o traženju uključenja u postupak donošenja izmjene i dopune prostorno planskog dokumenta za predmetni lokalitet, u suprotnom postupak će biti obustavljen.

## Образложење

Kod ovog Federalnog ministarstva vodi se postupak za dobijanje urbanističke saglasnosti za izdavanje urbanističke saglasnosti za izgradnju denivelisane raskrsnice u naselju Zalik, na magistralnoj cesti M 17, dionica Potoci – Mostar, na području Grada Mostara.

Dana 18.08.2021. godine, ovo Federalno ministarstvo je pisanim aktom zatražilo mišljenje Ministarstva građenja i prostornog uređenja Hercegovačko-neretvanskog kantona, a u skladu s članom 40. Zakona o prostornom planiranju i korištenju zemljišta na nivou Federacije BiH («Službene novine Federacije BiH», br. 2/06, 72/07, 32/08, 4/10, 13/10 i 45/10).

Investitor je dopisom od 15.10.2021. godine, zaprimljenom 22.10.2021. godine, Federalnom ministarstvu prostornog uređenja dostavio urgenciju za izdavanje urbanističke saglasnosti.

Federalno ministarstvo prostornog uređenja je dopisom od 26.10.2021. godine odgovorilo investitoru da kantonalno ministarstvo nije dalo svoje mišljenje u skladu sa traženom odredbom Zakona, te istog datuma dostavilo urgenciju kantonalnom ministarstvu sa osvrtom da u propisanom roku nije dostavilo traženo mišljenje.

Ministarstva građenja i prostornog uređenja Hercegovačko-neretvanskog kantona je dopisom od 04.11.2021. godine, dostavilo informaciju o rješavanju zahtjeva za izdavanje mišljenja i navelo da je 20.09.2021. godine zatražilo potrebne podatke od



**JP CESTE  
FEDERACIJE BIH**

Broj: 01-02.1-7967-4 /21-FT  
Datum: 17.5.2022. godine

Za: **GRAD MOSTAR**  
N/r: dr.sc. Mario Kordić, Gradonačelnik

Adresa: Hrvatskih branitelja br.2,  
88 000 Mostar

Tel: 036 447-400  
Fax: 036 447-445

**Predmet: INICIJATIVA ZA POKRETANJE IZMJENA I DOPUNA  
REGULACIONOG PLANA ZALIK**

Poštovani,

Federalno ministarstvo prostornog uređenja je aktom br. UPI-03-23-2-489/21 od 25.4.2022. donijelo Zaključak o prekidu postupka za izdavanje Urbanističke saglasnosti za izgradnju denivelisane raskrsnice u mjestu Zalik, na magistralnoj cesti M17, dionica Potoci – Mostar, na području Grada Mostara. Kao uključena strana u ovom postupku, poznate su Vam sve okolnosti, koje su prethodile pomcnutom Zaključku.

Kao odgovoran upravljač magistralne cestovne mreže, svjesni činjenice da se radi o crnoj tački, te da svaki dan odgađanja rješavanja ovog problema i realizacije projekta, može dovesti do novih žrtava, želimo uraditi sve što je u našoj mogućnosti da se ubrza realizacija projekta.

U tom smislu, molimo Vas kao Nosioca pripreme, da u **što kraćem roku pokrenete Izmjene i dopune Regulacionog plana Zalik**, kojim bi bilo uvaženo rješenje iz Glavnog projekta izgradnje denivelisane raskrsnice Zalik.


Molimo da nas blagovremeno informišete o aktivnostima na izmjenama i dopunama RP Zalik te da dostavite usvojenu plan, radi prosljeđivanja Federalnom Ministarstvu prostornog uređenja, radi nastavka postupka izdavanja Urbanističke saglasnosti za izgradnju denivelisane raskrsnice u mjestu Zalik, na magistralnoj cesti M17, dionica Potoci – Mostar, na području Grada Mostara.

Za dodatne informacije smo na raspolaganju.

Srdačno,

Dostaviti:

- Naslovu
- Federalno ministarstvo prostornog uređenja
- Fax: 033 652-743
- A/a

Direktor:  
  
 Ljubo Pravdić, dipl.ing.grad.

U prilogu: Akt Federalnog ministarstva prostornog uređenja br. UPI-03-23-2-489/21 od 25.4.2022

